



Etter adresseliste

Saksbehandlar, innvalstelefon

Magnus Johan Steinsvåg, 5557 2325

Tore Larsen, 5764 3126

Høyring av frivillig skogvern av Ospehaug i Fjaler kommune

Som ein del av arbeidet med frivillig skogvern, sender vi ut på høyring forslag om vern av Ospehaug (tidlegare Bjordal) som naturreservat.

I gjeldande kommuneplan for Fjaler har arealet føremål LNF-område (landbruks-, natur- og friluftsområde). Det planlagde området er på gnr. 107 bnr. 3 og er på om lag 540 dekar.

Verneverdiar i Ospehaug

Tilbudsområdet gjeld eit skogområde som vart kartlagt av Biofokus i samband med frivillig skogvern. Området har kvalitetar knytt til eldre, dels høgproduktiv furuskog med innslag av død ved. At området har høgare bonitetar, er lokalisert i låglandet (under 100 m.o.h.) og er knytt til vatn og våtmark gjer at Fylkesmannen vurderer området som verneverdig.

Det er ei målsetjing å ta vare på verneverdiane i mest mogleg urørd tilstand, med stadeigne artar og naturtypar og naturleg skogdynamikk, og eventuelt vidareutvikle dei.

Berre 2,9 prosent av skogen verna

Det er ei nasjonal målsetjing om redusere tap av naturmangfald, og som eit leidd i dette har regjeringa ei langsiktig målsetjing om at om lag 10 prosent av skogen i Norge skal bli verna. Med berre 2,9 prosent av skogen verna, er vi enno langt unna dette målet i Vestland.

Frivillig skogvern

I dei siste åra er det frivillig skogvern som har vore den mest aktuelle verneforma. Som ordet seier, er dette eit vern kor staten er heilt avhengig av at grunneigaren sjølv ønskjer dette. Grunneigarane har akseptert det økonomiske tilbodet frå staten.

Kvifor vern av skog?

Artsdatabanken som er den nasjonale kunnskapsinstitusjonen for naturmangfald, reknar med at om lag 60 prosent av alle artane på fastlandet i Noreg har skog som levestad. Totalt 90 prosent av dei trua raudlisteartane vert negativt påverka av menneskelege arealendringar, og fysiske inngrep som fylgje av utbygging og skogbruk er blant dei viktigaste faktorane. Derfor er det å ta vare på



levestadane til artsmangfald i skog blant det viktigaste tiltaket vi kan gjere for å ta vare på Vestlandsnaturen for framtida.

Innspel til oppstartsmeldinga

Vi meldte offisiell start av vernearbeid 5. november 2019 og det har innan fristen 5. desember 2019, kome inn 4 innspel. Ingen av innspela er kritiske til oppretting av Ospehaug naturreservat.

Direktoratet for mineralforvaltning skriv i uttale av 14. november 2019 at dei ikkje har vesentlege merknader til vernearbeidet.

Statens vegvesen skriv i uttale av 29. november 2019 at reservatet vil ligge langs privat og kommunal veg, og at dei derfor ikkje har merknader.

NVE viser i uttale av 5. desember 2019 til Sunnfjord Energi AS som er områdekonsesjonær og har sjølv ingen vestlege merknader.

Fylkesmannen sin kommentar:

Sunnfjord Energi AS har ikkje sendt merknader til oppstartsmeldinga, men vil også ha høve til å kome med innspel under denne høyringa.

Språkrådet tilrår i uttale av 15. november 2019, at reservatet får namnet «Bjordalen», som også er gardsnamnet for gnr. 107 i Fjaler.

Fylkesmannen sin kommentar:

Fylkesmannen har etter oppstartsmeldinga vore i dialog med AT Skog og grunneigar, og kome til å endre namnet frå «Bjordal» til «Ospehaug». Vi meiner det vil vere det mest passande namnet for naturreservatet fordi høgdedraget sentralt lokalisert i området ber det stadnamnet, og sjølve Bjordal er lengre unna.

Konsekvensar av vernet

For å ta vare på dei sårbare og store naturkvalitetane i området er det nødvendig med ei verneform som sikrar området mot inngrep. Det er difor ønskjeleg å verne om området som naturreservat etter naturmangfaldlova § 37. Ei slik verneform vil i utgangspunktet forby aktivitetar og nye anlegg som kan skade verneverdiane i naturreservatet. Vernet vil føre til visse restriksjonar på bruk av området, både når det gjeld hogst og andre inngrep. Grunneigarane vil framleis ha rett til jakt og fiske og ålmenta generelt for sanking av sopp og bær. Turstiar som er i området skal også kunne haldast ved like.

Brukarinteresser

Fylkesmannen er ikkje kjend med at det er spesielle brukarinteresser i innanfor verneområdet utanom grunneigar sine jaktinteresser og behov for båt og fiske i området.

Innspel og vidare framdrift

Det er ønskjeleg med innspel på det frivillige skogvernet slik at prosessen og tema kan verta så opplyst som mogleg. Etter at innspel på denne høyringa føreligg, vil Fylkesmannen vurdere innspela og ta endeleg stilling til tilråding av vern til Miljødirektoratet.

Meir informasjon om naturkvalitetane, kartavgrensing, verneforskrift m.v. finn du på nettstaden vår <http://www.fylkesmannen.no/vestland>. Du kan sende inn innspel med brev til Fylkesmannen ved miljøavdelinga, Njøsavegen 2, 6863 Leikanger, eller per e-post til fmvlpost@fylkesmannen.no



Frist for å kome med innspel er 17. april

I adresselista har vi forsøkt å få med alle dei aktuelle høyringspartane vi veit om. Dersom de finn feil eller veit om fleire partar som de meiner burde ha fått brevet ber vi om tilbakemelding om dette.

Med helsing

Med helsing

Kjell Kvingedal
miljødirektør

Eline Orheim
seksjonsleiar

Dokumentet er elektronisk godkjent

Kopi til:

Miljødirektoratet
AT Skog

Adresseliste:

Odd Erdal
Fjaler kommune
Sunnfjord Energi AS
Fortidsminneforeningen
Visit Sognefjord
Høgskulen på Vestlandet
Vest Politidistrikt
Den Norske Turistforening
Direktoratet for mineralforvaltning
Fiskeridirektoratet
Vestland fylkeskommune
Forum for Natur og Friluftsliv (FNF)
Fiskeri- og Havbruksnæringens Landsforening
Forsvarsbygg
Friluftslivets fellesorganisasjon
Friluftsrådernes Landsforbund
Havforskningsinstituttet
Kommunal- og regionaldepartementet
Kommunesektorens interesse- og arbeidsgiverorganisasjon
Kystdirektoratet
Luftfartstilsynet
Natur og Ungdom



NHO Reiseliv
Norges Bondelag
Norges Dykkerforbund
Fiskarlaget Vest
Norges Jeger- og Fiskerforbund
Norges Geologiske Undersøkelser
Norges handikapforbund
Norges Kystfiskarlag
Norges Miljøvernforbund
Norges Naturvernforbund
Norges Orienteringsforbund
Norges Skogeierforbund
Norges vassdrags- og energidirektorat
Norsk Biologforening
Norsk Bergindustri
Norsk Bonde- og Småbrukarlag
Norsk Botanisk Forening
Norsk Industri
Norsk institutt for Bioøkonomi
Norsk Organisasjon for Terrengsykling
Norsk Ornitologisk Forening
Norsk Sau og Geit
Norskog
Norsk Zoologisk Forening
NTNU, Vitenskapsmuseet
SABIMA
Landbruksdirektoratet
Fiskarlaget Vest
Statens Kartverk
Statkraft SF
Statnett SF
Stadnamntenesta på Vestlandet
Universitetet for miljø- og biovitenskap
Universitetet i Bergen
Universitetet i Tromsø
Universitetets naturhistoriske museer og botanisk hage
Vegdirektoratet
WWF - Norge